


DECEMBER THLA CHHUNGA PROGRAMME NEIH LEH KAL MEK TE

- Workshop to study Text books of Elementary Schools from 9th-12th December, 2014
- Workshop to Edit Pre-school Textbook from 13th - 19th December, 2014
- Workshop to evaluate NTS Examination 2014 from 2nd - 5th December.

CYBER CRIME & CYBER SECURITY AWARENESS PROGRAMME DIET(A)-AH HLAWHTLING TAKA HMAN A NI.

Cyber Crime & Cyber Security Awareness Workshop Programme DIET Aizawl leh NIELIT Aizawl ñang dunin ni 15.12.2014 (Thawhñanni khan hman a ni a. Pu Zoramawia (I.P.S.), I.G.P. chu khuallian a ni. Khuallianin hawna thuchah sawiin, Cyber Crime awmzia

chu Computer leh a kaihnawih khawl hmanga pawh khawihna a niin, Technology in a huam ang chi reng reng te hi a ni a ti. Chung ang lo hmang khawlo, mi pawisawina chi hrang hrang mi computer lo hack-sak, mi bank account lo khawih a pawisa hman sak/lak sak, mobile phone hmanga mi vau leh tihmingchhiat, facebook hmanga thil sual tih etc. ñin te chu **Cyber Criminals (misual)** an ni a. Hremna Dan mumal tak chhawpchuah reng a nih thu a sawi. Kan mobile kan hman rualin Cyber khawvelah kan cheng ve nghal a, va kal a, tharum va thawh kher lovin kan kut zungñang hian kan ñhut hmun añangin thil sual kan ti thei reng a, 'Chatting hi mi tam tak chinghne beram vun sina midang bum theihna a ni 'a ti. Mahni chanchin tarlang tam lo turin hetiang hmang ñin te a chah a, hriat chian loh te chu accept lo tur leh mahni tana pawh leh zahna tur tarlang lova, lucky tickets etc. vanneihna dawn thu ang chi te ngaihsak miah loh tur a ti bawk a. Inbumna a awm ñan mek a, thubuai pawh kum telin kan nei a ti. Heng thubuai te hi duhñam vang a ni fo, chuvangin "Kan thawhchuah bak hi hlawkna beisei loh tur, kan hlawh chhuah bak lawmman it lo vang u" a ti bawk.



He workshop-ah hian mithiam hrang hrangten thu sawiin 'Kan hriat loh lain Cyber Crime kan lo ti thei, kan fimkhur a ñul thu te leh Phone, Laptop Computer hmanga E-Mail, F.B., Twitter etc. hmang tute'n Virus laka fimkhura, Sim Card mahni hmang lo hmangin mi invau leh intihbuai nana hman, chhui chhuah tawh a awm ñeuh thu leh mi Sim Card hman tir a him lova, mi simcard hman pawh a him lo. Phone-a invau leh inan khum chiam te, SMS-a inbawl chiam te hi miin F.I.R. an thehluh chuan chawi theihna leh lung in hial tan theihna sual a tlin theih dan te an sawi a ni.

Govt. of India buatsaih he programme ah hian Computer set hi naupangten an room a tawm bo pui mai a him loh dan leh hmun ualauah dah a, computer-ah enge an tihñin hriatpui a ngaih thu leh ninhle nana hman mai chi a nih loh dante sawiho a ni.

CAREER CONFERENCE HLAWHTLING TAKA NEIH A NI.

Guidance and Counselling Cell, SCERT chuan Dt. 2nd December, 2014 (Tuesday) khan Career Conference, Class IX naupang 800 te tan Champhai Town Hall-a buatsaih a, He programme-ah hian Pu Zoengsanga, DC, Champhai District chu khuallian niin Chairman Pu RL Thianghlina, Principal DIET Champhai in a kaihrui a ni. Resource person pali Pi Caroline Zoramthangi, VGO, Pi B. Lalsangpuii AVGO, Pi Lalremsangi Counsellor, Pi Lalrindiki Ralte Psychologist ten nilengin heng naupang te hi Career talk (sawipuina) neihpuiin hun an hmang a ni.

He Conference-ah hian topic hrang hrang zirho a ni a chungte chu -
 Career Planning - Pi Caroline Zoramthangi
 Career Guidance & Option - Pi B. Lalsangpuii
 Career in Vocational - Pi Lalremsangi
 Preparation for SSC & UPSC exam - Pi Lalrindiki Ralte



ENGLISH CORNER

ERRORS IN USAGE

English thumal kan hman lar zual deuh deuh te han tarlang leh ila, chhiartu te tangkaipui atan.

FOODING AND LODGING/FOOD AND LODGING

Food and Lodging : 'Fooding and lodging' ti lovin, 'food and lodging' tih tur a ni.

FURNITURE/EQUIPMENT :

Heng thumalah hian tam tak sawi nan 's' belh kher a ngai lo.

Furniture : 'Furniture' tih hian bungrua—khum, thuthleng, dawhkan, etc. a huam vek a ni.

Equipment: Equipment tih hian hmanraw chi hrang hrang a huam bawk.

HUMANE/HUMAN :

Humane : Mi ngilnei sawina a ni. Mizo tawng 'humein' anga lam tur a ni.

Human : Mihring sawina a ni. Mizo tawng 'human' anga lam tur a ni a, 'a' hi tawi deuh hleka lam tur a ni.

LATER/LATTER :

Later : Nakinah emaw a hnuah emaw tihna a ni. *E.g. I will go to the market later.*

Latter: A hnuhnung zawk tihna a ni. *E.g. I will go to the market in the latter part of the day.*

MUCH/MANY:

Much : Tam tihna a ni a, uncountable noun-ah hman a ni. *E.g. much water, much money*

Many : Tam tihna tho a ni a, countable noun-ah hman a ni. *E.g. many horses, many books.*

PRINCIPAL/PRINCIPLE :


Principal : Zirna ina hotu lu ber. *E.g. He is the Principal of our school.*

Principle : Mi puitling ni tura dan emaw thil zawm bik enge maw neih. *E.g. He is a man of Principles.*

ADVANCE CHRISTMAS HLIMAWM TAK HMAN A NI

SCERT chuan kum tina a tihdan thin angin Dated 17th December, 2014 hian Liando Resort-ah Advance Krismas hlimawm tak hman leh a ni a, hetah hian SCERT chhungkua mai bakah kan chhungte, fate leh tute thlenga kan hruai leh kan hlim tlan theihna turin hotuten ruahmanna an siam a ni. Bus 2 leh motor te enge maw zat nen mi 80 velin he hun hlimawm tak hi kan hmang hova, infiamna chi hrang hrang te neih zawhin Pathian hnena inhlanna leh lawmthu sawina hun hman a ni a, a kal zawng zawng te Director in Kristmas thilpek a hlan bawk a ni. Hetiang hun hlimawm leh lawmawm hmanna hun kan nei thin hian kan thawhonaah inlungualna te, in

hmangaihna leh inpawhna te a siam a, heng hi kan thawhho leh zelna turah pawh inlungualna tha leh midang nena inpumkhatna min siamsaktu a ni thin a ni. A kal zawng zawngin Krismas present kan dawng theuh bawk a, hnianghnar taka ruai kan theh zawhin hlim takin kan thin ta a ni.



DIET NEWS**DIET AIZAWL**

■ Mizoram Board of School Education (MBSE) hnuai Diploma in Teacher Education Ist Semester Examination, 2014 chu Dec, ni 3 (Nilani) 2014 hian centre pahnih DIET, Aizawl leh DIET Lunglei-ah ñan a ni. Tuna Exam tur hi Curriculum/Syllabus thar hmgang hmasa ber niin semester system hnua an ñanna hmasa ber tur a ni bawk.

■ PSTE Final year 16th batch te chu Central Institute of Hindi (CIH) Agra-ah hlawhtling takin Refresher course zovin an lo haw.

■ In-service training bei mek Primary & Middle Section te chu Half yearly Exam zovin **Working with Community Subject**-ah project work an nei mek.

■ 15th Dec. 2014 hian NIELIT leh DIET (A) buatsaih One day 'Workshop on Cyber Crime & Cyber Awareness' buatsaih niin Pu Zorammawia IGP khuallian a ni.

■ Dt. 9-10 Dec. khan National Orthopedically Handicapped (NIOH) buatsaih **Two - Day**

Workshop on Management of Children with Special Needs chu Pu Lalnunluanga Hnamte Principal in a hawng a, zirlaiten hlawk thlak an ti hle.

**DIET SAIHA**

Diet Saiha Students Union leh Principal leh Lecturer thenkhat ten Motherless baby's home tlawhin zirlaite thawhkhawm thilpek ei tur leh pawisa fai Rs.6020/- an hlan.

**DIET MAMIT**

■ Mamit DIET-te chuan **Training on Drug Abuse in Education Institutions** Mamit khawpui chhunga HS leh HSS Zirtirtute tan hlawhtling taka neiin Half yearly exam pawh zawh a ni ta.

■ December thla atangin Lecturer-te thuang li a inñhenin survey hmabak zo fel turin an fehchhuak ang. An la zawh hman loh zawng hi January thlaah chhunzawm a ni anga, zawh fel vek a ni ang. Mamit District hi kal har tak tak a tam em avangin ñan rual erawh a ngai deuh dawn a ni. Tin, trainees te an syllabus-in a phut ang leh an marksheet-a mark 100 zet pu a nih angin 19th January hmaa **Working with the Community** pawh zo fel vek tura tih an ni.

TOUR :

Dated 1st - 5th December khan Pi Laldawngliani Chawngthu, Jt. Director chu **"Orientation Programme on Planning & Management of Vocational Education & Training"** Programme NUEPA, New Delhi ah a tel.

Dated 9th-16th December khan kan Director Pi Malsawmthangi chu **Institute Advisory Board (IAB) Meeting Shillong**-a neihah a tel.



SCERT Officers & Staff zawng zawng te Krismas leh Kumthar chibai kan buk vek a che u.

- Editorial Board
SCERT News Letter

